



# Synfocity = 637

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

1<sup>st</sup> June, 2017

## □ **Counselling Training khar**

Mizoram Synod, Family Guidance & Counselling Centre (FG&CC)-in Kohhran hruaitute puala May 17, 2017 atanga Synod Conference Centre-a Church Leaders' Intensive Residential Pastoral Care & Counselling Training vawi 26-na a buatsaih chu May 30, 2017 (Thawhle) zan khan 'Final Evaluation & Graduation Service' nein khar a ni.

Training kharna hun hi Rev. P.C.Pachhunga, Executive Secretary i/c FG&CC chuan a kaihhrui a, Rev. Lalzuithanga, Synod Moderator-in a hmanpui a, training chhuakte hnenah Certificate semin thuchah a sawi. He Counselling Training-ah hian Pastor Bial 8 atangin Kohhran aiawh 29 an tel a ni.

Training kharna inkhawmah hian Rev. R. Lalhmingthanga, Director, FG&CC chuan inlawmna hun a hman a, Training chhuakte chuan training an hlawkpui dan a lema an ziak chu entirin an hrilhfiah a, Pu C.Lalzova, Champhai Bethel chuan training chhuakte aiawha thu sawiin, Mission Veng Pastor Bial Zaipawl an zai bawk.

He hun hmanpuitu, Synod Moderator Rev. Lalzuithanga chuan training chhuakte fuihna thu sawiin, training chhuakte chuan an thil zirte chu tangkai taka hman tum turin a fuih a. "Tunlaiin Mizoramah Kohhranin beihna a tawk nasa em em a. Chuvangin kan mi leh sate pawh hetiang lamah hian nasa zawka kan zirtir a ngai a ni. Kan ram hmasawmna hi Politics-a inngat ni lovin Chanchin Thaa inngat a ni zawk tih hi kan hriat reng a ngai a ni" a ti a. "Khawvelah hian thutak dinpuitu nih a pawimawh avangin Pathian leh a Kohhran tana rinawm tlat turin Kohhran mite i infuih thar zel ang u," a ti bawk.

FG&CC hian Pastor-te pualin Pastoral Care & Counselling Training hi vawi 26 buatsaih tawhin, Pastor 440 training a neihpui tawh a. Church Leader-te puala kum 2002 atanga training a neihpui tawhah, tun tuma mite nen hian Kohhran hruaitu 531 Training pek an ni tawh bawk a ni.

Tin, Synod hian Counselling Centre paruk - Mission Veng, Bawngkawn, Vaivakawn leh Champhai, Kolasib leh Serchhipah te a nei a. Heng Counselling Centre parukah hian tun thlenga pantu (Client) an neih tawh zat chu mi 18,142 an ni.

## □ **Presbyterian English School, HSLC Result 2017 tha lawmna**

Nimin (May 31, 2017) khan Presbyterian English School, HSLC result 2017 a ti tha te chawimawina leh lawmman semna Synod Office-a Devotion Hall-ah neih a ni.

Programme hi Rev. B. Sangthanga, Executive Secretary i/c Education in a kaihruai a, Upa Zochungnunga, Member, PES Sub-Committee in hunserh hmangin Pu P.C. Vanlalhrui, Supervisor of Schools (PES) in inhmelhrattirna nein report a pe nghal a. Synod Moderator Rev. Lalzuithanga'n thu sawiin lawmman a sem nghal bawk. Hemi hnu hian a duh apiang tan thusawina hun hawn a ni a, Pu Lalvena Hnamte, Secretary Synod Education Board in lawmthu sawina hun a hman zawhah Chairman-in malsawmnain programme a khar a ni.

HSLC exam hnunung berah khan Presbyterian English School 19 atangin exam beitu an awm a. Chung zinga school 10 chuan 100% pass record an nei thei a, school 6 chuan 80% chin chung lam pass record an nei bawk.

Kumin 2017-a zirlai HSLC exam beitu zat chu 360 a ni a, an zinga 332 an passed a, Distinction-ah 40, First division-ah 139, Second division-ah 123, Third division-ah 30 niin a pum puia khaikhawmin pass percentage chu 92.22 a ni.

PES result tha lawmna hi kum 2014 atang khan mumal taka neih chhoh a ni a, Synod Education Board in school tha tehna (criteria) a siam atangin school tha thlan thin an ni a, a ti tha 3 te hnenah Special Prize pek thin an ni.

Kum 2017 lawmman dawngtute chu-

Rank	School	Lawmman
1st	PES, East Lungdar	Desktop Computer
2nd	PES, Darlawn	Rs.12,000/-
3rd	PES, Zotlang	Rs.10,000/-

### **Consolation Prize (Rs.5,000/- theuh)**

1. PES, Khawruhlian	5. PES, Serchhip
2. PES, Khawzawl	6. PES, Saiha
3. PES, Lengpui	7. PES, Khawlailung
4. PES, Thingsulthliah	

Heng bakah hian mimal ti tha, Distinction a pass zirlaite hnenah Laptop Computer pek thin an ni a, tun tumah hian zirlai 40 laiin Laptop Computer an dawng a ni.

## □ **15<sup>th</sup> Triennial Secretarial Training zo**

May 23 - 26, 2017 chung khan MSSU Triennial Secretarial Training vawi 15-na chu Aizawl Theological College, Durtlangah luang taka neih a ni.

Kum 1975 atang khan kum thum danah Bial Sunday School Secretary te puala training hi neih thin a ni a, tun tumah hian Bial Sunday School Secretary 167 an tel thei a, training an lo buatsaih tawhah an kal that ber tum a ni. May 23, 2017 zanah training hawnna neih a ni a, Rev. P.C. Pachhunga, Executive Secretary i/c MSSU etc. in programme kaihruaiin Synod Moderator Rev. Lalzuithanga'n thuchah sawiin a hawng a, Pu Sangzuala Chhangte leh NI. R. Lalrinmawii ten Pathian fakna hla an sa bawk. May 24 & 25, 2017 zingah Devotion neih a ni a, thupui thlansa 'Tunlai thil awmzia' tih chu Rev. Zoramsanga, MSSU Office in a sawi. Training-ah hian thupui pawimawh tak tak ziho leh sawihona neih thin a ni a, hetiangin :

1) Sunday School chanchin leh a pawimawhna	- Upa B. Lalmunliana
2) Sunday School inrelbawl dan leh inkaihhruiaina	- Upa Lalthahluna Raite
3) Christian Education & Child Evangelism	- Pu Lalthanchunga
4) Secretary hna leh mawhphurhna	- Pu John Lalhruiailuanga

May 25, 2017 zanah training kharna hun hman a ni a, programme hi Rev. Lianhmingthanga Sailo, Synod Secretary in kaihruaiin Rev. P.C. Pachhunga, Executive Secretary i/c MSSU etc. in fuihna thuchah sawiin trainee-te hnenah certificate a sem a. NI. Laldusaki leh Tv. David Vanlalpeka ten Pathian fakna hla an sa a, NI. Vanlalsawmi, MSSU Coordinator-in lawmthu sawiin training hi khar a ni.

## □ **Kristian Thalai Pawl**

June 2 - 4, 2017 hian Teikhang Bial KTP te Leadership Training neihpui turin Rev. Zothansanga, Central KTP Leader leh Pu Lalhnehzova, Central KTP Committee Member te an kal ang.

Contd...

- ❑ **Worship Dept.**

  - ◆ May 30, 2017 khan Music Elementary Course (March - May Session) result a ti chhuak a, exam beitu zirlai 73 atangin zirlai 45 ten tha takin an pass a ni.
  - ◆ June 2 - 4, 2017 chhung hian Zokhawthar Bial KTP nen Music Training leh Meet hmanpui turin Pu Lalromawia, Senior Music Instructor leh Upa L.H. Rohmingliana te an kal ang.
- ❑ **SMB in Masihi Sangati Evangelist tirchhuak**

May 28, 2017 (Pathianni) chawhnu khan Masihi Sangati Evangelist tirchhuah inkhawm, Zonuum Kohhran Biak In-ah neih a ni. Tun tumah hian Evangelist mi 13 tirchhuah an ni.

Tirchhuah inkhawm hi Rev. K. Lalthlanpuia, Masihi Sangati Kendra Director-in a kaihruai a, Dr. Robert S. Halliday, Synod Mission Board Coordinator-in Inhmelhriattirna a nei a, Synod Mission Board Secretary Rev. K. Lalrinmawia'n thuchah sawiin tirchhuahna hun a hmang a, Rev. T.C. Laltlanzova, Board Executive Committee member-in tawngtaisakna hun a hmang. Tirchhuah aiawhin Pu H. Thangkuma'n thu a sawi a, Aizawl West Area Standing Choir, Aizawl Southwest Area Choir leh Synod Mission Choir te an zai bawk.
- ❑ **Campus Ministry**

  - ◆ May 28, 2017 khan Armed Veng Kohhranah Youth Evangelical Fellowship te nen hun an hmang.
  - ◆ Campus Ministry-in Mizo Thalai zirlaite harsatna hrang hrang Documentary an buaipui mek a, tun kar hian peih hman tum a ni.
- ❑ **MSSU**

  - ◆ June 3, 2017 (Inrinni) hian Baktawng Bial huapin Sunday School Zirtirtu Training neih a ni dawn a, hemi neihpui tur hian Pu John Lalhruiatluanga, MSSU Asst. Coordinator; Upa Zohmangaiha, Zemabawk Vengthar leh Upa F. Lalenghluna, Ramhlun Vengthar (MSSU Trainers) te an kal ang.
  - ◆ June 3, 2017 (Inrinni) hian Sihphir Vengthar Bial huapin Sunday School Zirtirtu Training neih a ni dawn a, training neihpui tur hian Upa Lalrosanga Colney, Chaltlang Lily Veng; Pu Lalthanchhunga, Bungkawn leh Upa C. Lalbiaksanga, Zemabawk North (MSSU Trainers) te an kal ang.
- ❑ **Revival**

  - ◆ May 27 & 28, 2017 khan Operatiron Nehemia rawngbawlna neih leh a ni a, Group 7-ah inthenin Aizawl khawpui chhung hmun hrang hrangah hun hman leh a ni.
  - ◆ June 4, 2017 (Pathianni) hian Rev. H. Rolungmuana, Revival Director chuan Ramthar Veng Kohhranah Revival Meet inbuatsaihna atan nilengin hun a hmang ang.
  - ◆ June 6 - 10, 2017 chhung hian Synod Camping Centre, Sihphir Neihbawih-ah Camping buatsaih leh tur a ni a, Speaker atan Pu Lalthantluanga, Krista Thuhretu Team a ni ang.
- ❑ **Synod-in chhawmdawlina (Relief Fund) pe**

Mizoram Synod in May 2017 chhunga chhawmdawlina (relief fund) a sem dan hetiang a ni :

1. Kangmei tuar	-	Rs. 16,000/-
2. Thlipui tuar	-	Rs. 2,30,000/-
3. Dam lo	-	Rs. 24,000/-
4. Lei min tuar	-	Rs. 20,000/-
5. Rial tla tuar	-	Rs. 1,24,000/-
6. Accident	-	Rs. 10,000/-
<b>Total</b>	<b>-</b>	<b>Rs. 4,24,000/-</b>
- ❑ **Zin**

May 29 - June 1, 2017 chhung hian Gospel Week hmanpui tur leh Home Mission North tlawh turin Dr. Robert S. Halliday, Synod Mission Board Coordinator leh Pu K. Ronghaka, Mission Promoter te an kal.
- ❑ **Synod Office Staff ten Upa Lalkhumtira thlahna hun an hmang**

Synod Office Staff Upa Lalkhumtira chu Aizawl Theological College-ah a insawn dawn avangin May 31, 2017 zing devotion hunah Synod Office Staff ten thlahna inkhawm neih a ni.
- ❑ **Hruaina Eng FM Radio & TV Programme**

  - ◆ **JUNE 2, 2017 (FM ZOAWI AIZAWL @ 7:30 P.M.):**  
**Zaipawl :** David Vanlalpeka - Isu, i hnen ka rawn pan e, **Solo :** Khatla Pastor Bial Zaipawl - Min hrui la, ka zui ang che, **Thusawi :** Rev. Dr. C. Chawnglungmuana - Hlawhtlinna thuruk, **Zaipawl :** Bawngkawn Pastor Bial Zaipawl - Aw Ropui Ber, **Solo :** Gloria Khawhring - Beiseina Nung Isu
  - ◆ **JUNE 2, 2017 (FM LUNGLEI @ 7:30 P.M.):**  
**Zaipawl :** David Vanlalpeka - Isu, i hnen ka rawn pan e, **Solo :** Khatla Pastor Bial Zaipawl - Min hrui la, ka zui ang che, **Thusawi :** Rev. Dr. C. Chawnglungmuana - Hlawhtlinna thuruk, **Zaipawl :** Bawngkawn Pastor Bial Zaipawl - Aw Ropui Ber, **Solo :** Gloria Khawhring - Beiseina Nung Isu
- ❑ **Susamachar Prasaran Programme**

  - ◆ **JUNE 4, 2017 (Pathianni) 5:00 pm. :**  
**Group/Choir/Solo :** Aizawl Venglai - Hardin, **Group/Choir/Solo :** Chanmari West - Yesu Mere, **Sermon :** Lalhruiatluanga - Isu Kaun hai, **Group/Choir/Solo :** PC Lianhmingthanga - Sahara, **Group/Choir/Solo :** Zotlang - Sara Zaha
- ❑ ◆ **JUNE 4, 2017 (Tv Programme) @ 4:00 - 6:00, 8:00 - 9:00 p.m) :**  
**Sermon :** Rev. K. Lalrinmawia - Pentikos **Sermon**, Weekly Round Up, **Sawihona :** Bial then chungchang, **Pavalai Pawl Meet**
- ❑ **Moderator Programme**

Synod Moderator Rev. Lalzuithanga chuan tunkar tawpah hetiang hian Kohhran a tlawh ang :

June 4, 2017 (Pathianni) Chawhnu	-	Armed Veng South Kohhran
June 4, 2017 (Pathianni) Zan	-	Chite Kohhran